



Notat

Dato: 12.10.2017
Arkivsak: 2017/16167-1
Saksbehandlar: johmeye

Til: Sekretariatet for Kontrollutvalet

Frå: Fylkesrådmannen

Arbeid med tilpassing til ny personvernlovgjeving

Fylkesrådmannen vil gjennom dette notatet orientere kontrollutvalet om ny lovgjeving kring personvern som vil tre i kraft fra neste år.

EUs personvernforordning, General Data Protection Regulation (GDPR), vil tre i kraft for alle medlemstater i EU og etter alt å døme også for Norge i mai 2018. Dette vil medføre ei rekke endringar i norsk personvernlovgjeving.

Hordaland fylkeskommune arbeider med å tilpasse verksemda til dette. På oppdrag frå fylkesrådmannen har revisjons- og rådgjevingsselskapet KPMG gjennomført ein gapanalyse i heile organisasjonen med unntak av Skyss, for å kartleggje på kva område fylkeskommunen per i dag ikkje har rutinar og prosedyrar som tilfredsstiller det nye regelverket. Tilsvarande gjennomgang vert gjort hos Skyss i regi av revisjons- og rådgjevingsselskapet PwC.

Analysen avdekkja at Hordaland fylkeskommune har eit betydeleg arbeid framfor seg for å sikre at interne rutinar og prosedyrar er i samsvar med det nye regelverket. Det er utarbeidd ein overordna tiltaksplan, som Økonomi- og organisasjonsavdelinga på vegner av fylkesrådmannen vil følgje opp gjennom eit eige prosjekt. Alle avdelingar må i samband med dette peike ut lokale personvernansvarlege, som skal representere dei respektive fagavdelingane inn i prosjektet.

Parallelt vert det arbeidd med å rekruttere ein ny personvernrådgjevar som også vil overta rolla som personvernombod i HFK.

